

永平府志卷五十八

列傳十 仕蹟三

國朝

管聲揚字鳴鑾號鳳岡盧龍人明崇正己卯舉人

國初任常州水利通判操守清廉職務勤慎釐正鹽法
清理糧務築堤濬塘水利大興丁內艱服闋三院交
章題薦以疾辭子鞏祚邑庠生謹厚尙義孫三伯季
俱庠生仲名標康熙丙子舉人

呂鳴章字大呂山海世胄性孝友嘗遵父母命讓爵與
產於弟以官廕予姪又爲亡姪立嗣明天啟元年恩

永平府志

卷五十八

仕蹟三

一

貢初任許州州判當事重其才任以撫寇深入賊巢
能不辱命比旋寇叛躬率家丁巷戰力保危城尋遷
京衛經歷以內艱歸甲申革命佐義旅大戰石河努
力殲寇錄功補戶曹員外郎歷陝西分守關西道右
參議致政歸家居二十年間耕課讀清素自甘子燦
如由貢生歷黃陂宰

郭仲金字鞏圖山海衛人明末諸生居角山下之桃花
園耕讀並勵試優等食餼於庠待異母弟友愛備至
深得繼母歡順治初由貢生任良鄉教諭教士用安
定學規士風大振擢平陰知縣政尙簡要法行而民

不擾時當

國初新造地方徵調實繁而支應無誤自奉甚約署中無眷屬止二僕用度不足則取給於家絕不借用官物大吏悉其廉能薦擢安陸府同知順治七年卒於官八年

覃恩廕一子入監讀書康熙五十四年入祀鄉賢祠

參錄畿輔

志及郭氏家乘

趙申寵字恬如灤州人養沖子性孝友有幹濟才孝事繼母兩弟爭宅構訟寵指官曰弟之爭兄之罪也願以寵所市宅讓弟司理表其門曰有伯夷風癸未以廩生入太學授山東布政司理問甲申逆闖之變寵視陽信篆偽命至集義勇擒殺之

永平府志

卷五十八

仕蹟三

二

國朝定鼎後走京師上其狀卽以之實陽信令復擒偽都司孫邦奇斬之四境遂安旣以轉餉功陞陝西莊浪衛同知茶馬御史蘇某以前官事誣奏寵革職未行忽米回作亂寇莊浪強官寵不從逼以刑終不屈乃幽於別室總督孟援至賊始遁復約其部圖再舉寵矯總督檄聯絡西番七十二堡以禦之事平總督

首寵功

詔復原官改浙江湖州府同知甫任卽視篆歸安以漕糧

過淮遲期爲漕撫所劾逮至京昭雪復補福建汀州府同知未行以疾卒年七十有三子御衆事具文學傳

高選字輪轂山海衛廩生少有膽略明崇正甲申四月闖賊將東逼山海時議詐降緩賊以待

大清兵選隨生員李友松譚邃寰劉泰臨鄉耆劉臺山黃鎮庵共六人輕身給賊行至三河遇賊遂羈而東及大兵破賊於關城石河之西友松等五人均遇害獨選乘閒歸賊追之身被三矢

國朝錄功授山西交城合城西交山連接秦晉綿延千

永平府志

卷五十八

仕蹟三

三

里渠魁祁三聚眾抗拒選伏兵擊之搗其巢穴交山遂平擢知平陽府左遷廣信同知卒康熙五十三年

崇祀鄉賢

參錄畿輔通志及潛滄集

劉克望永平人貢生順治元年知馬邑縣事當定鼎之初留心民瘼以樸實率下不事煩苛邑人感之

朔平府志

馮祥聘山海衛人順治初年以廩生任齊河令時流賊逼城祥聘捍禦有方城得保全論功陞湖廣長沙府

同知尋知府事

山東通志

董應魁字捷軒遷安人生於明萬曆中喜讀書慷慨有

大節當

太祖天聰二年

詔入國學教授勳戚子弟一時賢俊多出其門迨順治建元授直隸良鄉縣令良爲京畿首邑車馬孔道兵戈之餘民席未煖魁竭力撫字抑驕弁甦郵困採屯地公明任事人以強項令稱之尋擢湖南寶慶府知府去之日良民攀留爲之罷市巡按高公因奏請留任旨不可乃南行是時寶慶尙未入版圖隨軍贊畫丁亥仲

秋疆場始闢涖任之時僵尸遍野蒿萊滿署城中蕭然魁埋齒掩骼招集流亡民始還居未幾城守魏弁作亂合郡騷然魁單騎詣魏營正色折之亂乃定又

永平府志

卷五十八

仕蹟三

四

主客兩將失歡夜譁巷戰魁欲往救左右不可魁曰吾不往民無噍類矣郡牧之謂何至則以片語解之陞武昌分守道值黃屬寇起嘯聚山砦督兵進勦刻期蕩平陞山東驛傳鹽法道遷福建按察使先是漳州道黃澍爲海寇所困食已盡魁設計登樓張樂累日寇疑解去陞廣西右藩旋晉刑部右侍郎

賜蟒玉給一品服

誥封四代奉

命巡撫廣東適逆賊鄧耀等梗化魁帥兵直搗龍門寨追至交趾由是而楊江平時粵中入版圖未久士民有

包荒之累魁數題請得蠲免荒逋錢糧二百餘萬厯
官十有七年食不兼味衣不改素歸田後常與少司
農謝路然督餉裴長山開府張英寰劉盤所徐吉吾
潘世衡張仙羽憲副劉詔軒諸老遊好事者爲之繪
九老圖康熙二十五年卒年九十入漢軍旗籍其後
世居遷之上午村

宋聚臣灤州人生而奇穎未冠能文科歲試輒冠軍英
年食餼初

世祖入關道策郡國所貢士拔其尤者立授民社聚臣得濟
南之平原勸課有經士民感戴乙酉分校山左秋闈

永平府志

卷五十八

仕蹟三

五

所得多知名士旣解組歸與鄉人處和霽恭謹不挾
勢驕人年七十有三卒

楊文魁號近樓永平衛人

國初以副將從征屢立戰功擢工部左侍郎凡條議時
務精練豁達奉差監修奉天諸

陵寢事勞績懋著

卜昌運字泰寰東勝衛人順治二年貢除南宮訓導東
光縣教諭羣盜猝犯城運率家僮登陴奮呼隸卒礮
擊渠魁城賴以全擢知江都縣卒於官

穆維乾字介公號圭炎山海衛人少嗜學博通經史領

順治乙酉鄉薦爲滑縣教諭遷保定左衛教授整飭學規課士有方嘗攝滿城邑篆值旱荒設法賑濟全活甚眾巡撫金公疏薦云行同濂洛闕閩才類韓柳歐蘇眞實錄也陞翰林院典簿時修四書滿漢講義至羔裘元冠不以弔掌院葉公方請爲犯

聖諱商於同僚俱不能對乾謂大字當仍原字以尊經小註改元字以避諱掌院詢何所本日中庸慎獨乃原字小註改謹字掌院大悟云余自幼疑此今始知朱子爲避諱也深加敬禮預修

太宗文皇帝實錄賜白金文綺及歸休林下講學論道誘迪

永平府志

卷五十八

仕蹟三

六

後輩殷殷不倦生平廉節自持不慕權勢鄉望特隆康熙五十三年卒崇祀鄉賢

陳性天樂亭人順治乙酉舉人應省試時於逆旅得遺金不開緘閱九日失金人號泣而來原緘授之後授宜川令地與米脂接壤闖賊亂後人民凋敝撫字勤勞六七年間境內大治去官日邑人建清風閣以志

遺愛康熙五十三年祀鄉賢

畿輔志

石申字仲生灤州人明副使維嶽子登順治丙戌進士選庶吉士視學江南搜拔孤寒所取士多掄大魁歷遷學士

經筵擢吏部左侍郎矢公無欲門絕苞苴以抗中忌奪職
後起補刑部左侍郎上慎刑疏天下傳誦丁繼母艱
服闋補戶部左侍郎總督倉場舊例廚饌交際取資
斗級衙僧藉恣吞啗申一切罷去綜核無遺釐清夙
弊值慈母訃聞歸里嬰疾而卒

勅賜祭葬祀鄉賢先是

世祖章皇帝稽古制選漢官女備六宮申女及笄承

恩賜居永壽宮冠服用漢式

敕召申妻趙淑人乘肩輿入西華門至右門下輿入

宮行家人禮

永平府志

卷五十八

仕蹟三

七

賜重筵

賜紵賞賚有加後封恪妃

李成性遷安人登順治丙戌進士任新城令撫綏殘邑

克著循聲未幾乞休歸隱居山莊讀書嗜古耄年弗

倦鄉人推爲理學先型

穆爾謨字賓日山海衛人順治丙戌丁亥聯捷成進士

初知江南贛榆縣精明英毅聽斷如流羽冠猖獗親

率鄉兵勦捕之累官至山東萊州府知府母沒廬墓

三年

舊志爾謨無傳此據江南通志及萊陽宋琬安雅堂集補案宋與爾謨爲鄉會同年其贈詩云

昔君作吏長淮北升堂拜母歡相得石澗湖頭別幾秋寄書竟乏南飛翼去年奉母廣柳車麻衣徒步歸

里閭倉皇未得走相唁多雞欲裏空嗟起近聞馬鬣
已就封何以樹之梓與松白石爲垣茅作屋晨昏上
食如餒饗素冠樂樂淚瀾瀾涕痕灑處繁茨死夜半
空山雷電過母也無驚兒在此小人有母早相捐音
容髻髻留栢栢生兒未得一日養萬鍾忝竊嗟徒然
君不見顏烏之豕高於山羣烏街士血斑斑又不見
東陽許攷攀枝哭猛獸聞之殺麋鹿至性由來動鬼
神蓼蓼者莪堪再讀北平郡志遭烽燧忠孝無徵罪
長吏今看墓側產芝馴白
免我將大書特書記其事

余一元字占一號潛滄山海衛人明末舉人甲申之變
闖賊東逼總兵吳三桂召一元及紳士等誓師於教
場以殺賊復讐激勵將士令一元等登陴固守三桂
出偏師殲賊游騎於城西慮賊眾難勝因議請我

大清兵入援令一元暨廩生馮祥聘鄉紳呂鳴夏廩生

永平府志

卷五十八

仕蹟三

八

曹時敏程印古共五騎迎攝政王於歡喜嶺王賜坐
賜茶遂訂入關之約時關城守吏皆逃三桂所賴以
練兵籌餉者惟一元等數人事定錄功授莒州知州
以內艱不赴登順治四年進士授刑部主事改禮部
服官清正歷擢儀制司郎中遇事敢言所建白多中
肯綮以疾告歸立社講學謂大學格致卽在朱子小
學一書嘗著四書解一卷頗能闡發精義居鄉遇地
方興革要務及事關學校必力爲救正順治己亥學
使將按永平時有裁衛學之議又有衛學減額之說
士林惴惴一元致書於通永道宋公琬宋公轉致學

憲山海衛學遂取十五名而各縣止取八名衛學不
至裁減者實其力也所著有潛滄集八卷山海衛志

康熙二十九年祀鄉賢

參錄畿輔通志
潛滄集

曹時敏字捷音遷安人世居山海性聰穎資力過人然
尙氣少許可志每欲居同儕上人以此憚之遊庠冠
多士遂食餼文名重一時與山海余一元同學相友
善明季多事糾鄉勇措餉饋在在與余同事明智善
斷借益良多甲申遭寇變吳三桂舉義關門相與誓
師插血畫軍資犒戰士出關迎王駕於歡喜嶺事平
錄功以諸生授甯鄉令未仕辭以疾無何邑爲寇陷

永平府志

卷五十八

仕蹟三

九

人服其先見丁亥余成進士時敏亦起補靈璧靈璧
素衝疲時敏涖任材足濟時威能服眾民賴以安聽
斷英決綽有神君之譽應過往滿洲官役事勢怱卒
咄嗟立辦咸稱曰能招商益課鹽引日增邑民便之
居五載以忤上官歸卒年六十三

胡來相號玉衡永平人事親孝謹居恆言動每以古人
自期順治四年筮仕元城令時萑苻未息河北騷然
煽動天雄爲畿省要地來相矜撫流亡人心賴以甯
固且開諭恩信賊相繼降附以卓異擢山西道監察
御史有謇諤聲巡按湖南首以除盜爲已任區畫戰

守勳中機宜尋掌河南道陞太常寺少卿卒於官子
祝歷河南道御史

高顯辰字欽思灤州人順治戊子舉人授德安令擢補
南甯郡丞陞雲南守時吳藩麾下虐民輒移文該管
諷刺之或途值面叱其非上官同僚每勸勿撻其怒
應曰吾輩

天子之吏何可詭隨異姓王之帳下兒耶卒以是得禍
當吳逆之變也逼司府入受偽職顯辰拒詞憊幾斃
杖下放之北洱自此遂絕音秬妻戈氏自經女適滇

臬李興元子毓秀李同時受禍更慘云崇祀鄉賢

永平府志 卷五十八 仕蹟三 十

雲南通志顯辰以貢生康熙九年知雲南府意剛方
蒞治嚴核胥吏不敢作奸吳逆叛抗節不從遂杖於
市戊永昌衛服毒而死事
聞贈太僕寺卿廕一子入監

崔維嶸字嵐峯廬龍人明舉人啟亨子年十四被俘至
遼

太宗詢知為啟亨子曰是求死不作知州人子乎勉事吾勿

辱汝父也順治五年以貢授清豐令時畿輔多盜躬
幸親屬殲渠魁釋脅從豐邑遂安陞興安知州招集
逃亡貸粟勸墾期年民用輯甯因執法繩防兵與守
將忤竟鐫級歸遂絕意仕進在廷故舊招之不出晚
年廬於漆西先塋者九年鶉衣糲食惟一蠶僕傭日

以給每晨起拜墓掬土培冢植木四週子廷瑜中康熙癸卯舉人任全州刺史解組歸迎養玉田堅不允所奉悉揮卻之年八十有六卒

房星煌字肫如山海衛人旗籍順治五年貢授睢州牧興利除害不畏權勢陞漳州知府者民爭舁肩輿泣送數十里其治漳設隄防嚴城守閩南倚爲保障

張鍾英號瑞峯其先遼東義州衛人父玳天啟時司諭盧庠遂家盧龍膺順治五年貢筮仕定陶令甫下車土賊糾眾圍城英率眾勦之射中賊渠餘黨悉平陞黃河同知去陶日士民鑄石頌德癸巳河決石香鑪

永平府志

卷五十八

仕蹟三

十一

富家集南北一帶民居漂溺英駐守河干修築完固民賴以安陞福州府知府未任而歸

趙映斗遷安人登順治己丑進士任吳堡令邑敝民貧加意撫綏不事紛擾因呈誤鑄級事白補馬邑廉能有聲布袍草屨以勤儉率俗至若嚴猾胥侵糧之禁卻園戶日蔬之供寬猛得宜民不擾而事以集繼仍以註誤去官士民惜之

朔平府志

李若璋字奉之遷安人順治辛卯舉人康熙九年知什邡縣時人民稀少景物荒涼若璋悉心撫字民漸歸附十四年卒於官其子元先艱於回籍奉母安氏合

葬於縣之巢鳳山丁家灣之側

四川通志

翟鳳翥字儀軒盧龍人少孤力學素履端方以明經司訓平山見學宮傾圮竭力倡修年七十餘予告歸猶披覽經書弗輟子二長儁次任俱庠生任幼失恃事繼母以孝聞父喪哀毀盡禮孫正經康熙癸酉舉人壬辰進士令建平

張星煌字斗輝盧龍人拔貢生以通判改授襄陽衛經歷攝篆宜安及均州事治政明決督撫漕三院薦最陞東昌府同知代理州事望誤回里與同志講學問字食貧不怨溫良之度人樂近焉

永平府志

卷五十八

仕蹟三

十三

譚從簡山海衛人順治甲午科舉人乙未科會試副榜授故城教諭訓士有法陞靈邱令以憂去服闋知江南婁縣改調河南孟津摘奸發伏人以神明目之討吳逆日屏當軍需有條有理以薦擢知雲南晉甯州以老乞歸所至有政績不事明察而吏不能奸催科寓於撫字民德之咸樂輸無後先是邑逋賦纍纍前令宋業請豁免遂遷官以去從簡涖任雅諳民間利病百廢俱舉瘡痍浸復當時謠曰前無宋憑誰種後無譚更不堪靈邱稱循吏者必首推二人從簡性孝友輕財急人之難好讀書尤邃於易康熙五十三年

崇祀鄉賢

宋國賓遷安人以貢生知陝西隆德縣剛方果斷卓有政聲後家居著書鄉人咸重其品

孟熊臣字輔昌永平人忠毅公猶子由蔭生初知保德州治政明恕不事敲朴嘗稱貸二千餘金代民償逋秩滿陞汀州郡守時海氛未靖軍務繁興汀屬不困於粟米力役者咸臣申請有方也順治十八年攝漳南巡道篆奉令安插海兵星馳詣杭請于東郊造營房以居之又具詳家口糧額俾不病民杭民德之家居謙和謹厚搢紳家稱由禮者以臣爲最云

永平府志

卷五十八

仕蹟三

三

房星煥字皓如山海衛人旗籍順治十五年由籌海功授南康通判壤接湖山萑苻時發煥下車卽捐俸修理城濠設礮石立旗幟盜跡遠遁以才能調兗州泇河通判修舉廢墜百姓勒石紀德尋陞武德道副使卒於官

汪淑問字清公號邁陶東勝衛人幼失怙恃事祖父母以孝聞登順治己亥進士筮仕犍爲令邑當草創居民僅六七家問招徠安輯著有實效未幾以呈誤解組士民擁馬首號哭失聲生平篤交誼宦蜀時貧苦不能自存猶解俸以急友難客武昌幕力贊死罪留

養之例永著爲令山左郡縣感問之德多尸祝之居鄉力敦古道謙厚恂謹爲一郡典型者垂五十年數舉鄉賓著有詩文集藏於家壽八十有五卒子三長與臨次與賁俱廩生季與恆康熙庚辰科進士另有

傳案四川通志淑問順治七年知權爲愛民造士清丈田畝均食其福

李煒然字含醕廬龍人貢生以州同改授江川縣知縣

邑數罹兵燹百姓流亡然發粟招徠多方安輯以土司變解任

楊振藻廬龍人康熙庚戌科進士三十一年知廣通縣事性廉明改里歸鄉平糧均役建倉廩築河壩在官

永平府志 卷五十八 仕蹟三

十三載民感其德 雲南通志

倫品卓字宣明灤州人性倜儻不羈以選拔筮仕江西

南康倅康熙辛亥南康大饑卓貸請帑金三千兩買

運減糶康人賴之康地處下流舊制米交漕運舟多

漂溺若上倉發兌靡費不支卓力請督漕以康米竟

達京口著爲例壬子押運力除私折盜賣諸弊先期

抵通倉漕合疏薦舉值康守乏卽擢典匡郡重士保

赤習俗丕變重修白鹿書院及郡學甲寅冬饒賊逼

城守兵寥寥卓激勸鄉練乞援會勦日戰三捷殲渠

獻馘地方以甯

上嘉其功勅部議敘會丁外憂以金革奪情計撫僞官百
二十餘僞兵七千餘餘孽悉平無何失重臣意解組
歸徜徉詩酒壽八十有五卒子三長可久任陝西慶
陽府同知仲可大任山西澤州知州季可經府庠貢
生

張宏字宥涵昌黎人康熙壬子拔貢授河間府肅甯縣
教諭歷九載陞浙江新昌縣知縣單車赴任縣署日
費米燭等類俱發官價里長賠累疲於奔命宏曰民
苦吾豈獨甘耶除之有謀財害命者捕凶手無蹤跡
宿城隍廟默禱恍惚夢一人立堦下神指曰此朱買

永平府志

卷五十八

仕蹟三

五

臣也寤而思謀死者賣珠客也珠則爲貝買臣者四
人分貝也遂單騎密訪果得之獄以決人稱神君新
邑田多荒蕪鄉民以積逋爲憂莫敢墾種宏徧諭城
鄉令各自開墾準爲世業免舊欠給以牛種邑遂稱
樂土焉在任五載卒於官崇祀名宦邑人公建生祠
子四蕢夔著俱廩膳生蔚舉人另有傳

蔡珍字左才襄敏公孫遵義守毓華長子康熙壬子舉
人授中書舍人陞典籍轉武關同知勤慎練達治績
著聞秩滿遷員外郎補禮部陞工部郎中敷歷曹署
守正不阿擢監察御史

董鉅永平人康熙二十一年任渠縣養士治民一以實心行政山賊王奇祿作亂攻城鉅率兵役登陴以礮擊之殲厥渠魁賊眾解散

四川通志

劉偉字遠公灤州人幼嗜學性倜儻不羈父昌泰以明經司論定興偉承家教爲文博雅堅勁康熙乙卯韓慕廬先生主順天鄉試闈中得偉卷大喜定第一行橐出傳誦徧天下乙丑捷南宮選庶吉士丁卯授監察御史巡視東城風裁高峻聲著臺班卒於官遺橐蕭然

張霖字汝作撫甯人幼孤嗜學弱冠遊庠以貢生任工

永平府志

卷五十八

仕蹟三

六

部營繕司主事母老告歸顏其堂曰愛日色養曲至居憂哀毀盡禮起補原官尋陞陝西驛傳道

上念陝爲巖疆欲增置道員難其人廷臣交薦

制報可時陝饑民多流亡霖設法捐賑全活甚眾遷江南上江按察使治獄多平反會皖江兵宄議裁軍士洵洵譁當事門霖推誠諭之遂輯遷福建布政使舊錢糧解藩庫有羨耗陋規除之生平慷慨樂解推待以舉火者千百家尤喜爲詩古文詞與四方知名士唱酬無虛日加意桑梓人文於邑之學宮旁創義塾十餘間多所成就子增候補光祿寺典簿坦壩俱康熙

癸酉舉人璩任中書科中書坦候補光祿寺寺丞墀
候補主事

倫可大字子受灤州人髫年爲諸生隨父品卓之南康
任適滇黔逆警左右其父於軍前屢建勞績寇平父
爲大吏誣劾可大奔走幹旋事遂白以貢生仕西蜀
新津令邑當兵後無城郭止穴處二十餘家可大斬
荆棘招流亡墾荒除賦五年生聚轉瘡痍於衽席薦
陞粵東化州牧州多未完積逋紳衿咸遭繫辱概與
寬釋至鐫十五級甘之如飴而逋亦竟蘇丁內艱服
闋補山西澤州杜絕苞苴革除陋弊時有齟齬以白
金三千賄卽白上司奉有加級

永平府志

卷五十八

仕蹟三

七

優旨在澤十年手著濩澤政紀可垂治譜會鹽梟構禍可
大與參戎率兵往視梟民聚眾對壘參戎卽欲屠戮
可大力阻因單騎開諭梟民感泣羅拜旋卽解散緣
此千里誤去澤民扶老攜幼攀轅號泣建立生祠沒
後遠近老穉匍匐赴祠號奠者旬日

穆宗道字蓋臣號心魯山海人康熙丁卯科舉人司鐸
甯晉南宮兩學同寅許某沒其子式玉幼無依宗道
收而教養之數年入泮領鄉薦皆其力也雍正二年
甯晉紳士公舉入名宦祠

高天挺字本天昌黎人康熙甲戌科進士初令臨淮縣當江淮之衝田被水而猶納糧者名曰水沈田邑民受累至鬻男女以償官逋挺到任力求督憲奏請豁免民困以蘇又捐俸設學擇秀良者親爲督課由是人文日盛在任五年丁母憂回里淮民如失慈父母焉後補隆昌令地苦民瘠役重差繁益加意撫恤未嘗受一錢枉一法又會判疑獄雪奇冤人服其神年六十五歲卒於任歸櫬之日士民泣送百里不絕兩邑皆立祠祀之

任五倫字徽庵昌黎人康熙庚辰科進士渾厚和平不

永平府志

卷五十八

仕蹟三

六

矜崖岸宰湖北漢陽甫下車卽口碑載道公暇猶箋經註史與及門講論不輟被其教者皆得氣飛去德政見江漢仁聲集著有徽五真橐

汪與恆淑問子灤州籍中康熙甲子經魁庚辰進士選授福建長泰令時方苦旱

朝廷命截漕粟三十萬賑濟與恆區畫有方旱不爲災鄰境有盜魁陳五顯者嘯饑民聚山谷間旁掠州邑與恆練鄉兵卻之追敗賊於白泉社潰其眾邑遂獲安由是廉能之聲大著楊錫珪者邑監生之健訟者也與恆遇事裁抑之積忿不得逞會與恆以辛卯科

分校入闈時撫軍黃秉中欲爲其西賓入彀通關節於與恆與恆閱其文不佳大批俗嫩不成章五字落之撫軍怒遂中以墨解職令藩司金培生窮治之錫珪因是控與恆前所薦中之王生交通關節狀蓋王生實以傳遞獲售與恆不及知也及訊堅不承金怒目視與恆曰明日覆訊與恆見事急買醮自隨曰吾豈受奸黨辱哉及旦金以生日開筵觀劇忽暴亡與恆得長繫不死

朝廷命部臣張鵬翮趙申喬滿寶至閩勘訊盡得其狀奏上

永平府志

卷五十八

仕蹟三

九

勅奪黃秉中職金籍沒與恆復原任適有控錫珪通盜者上官檄下問狀與恆力雪其冤出之於獄曰以莫須有三字報私怨余曩會身受知其慘也乙未行取引見授禮部主事尋轉吏部遷文選司郎中杜苞苴絕請託選弊爲之一清

世宗憲皇帝卽位大朝首召與恆上殿遂越班拜殿上

諭曰爾是好官令中外皆如爾朕復何憂與恆益感激自效甚至堂議不合相持竟日不署名卒以剛直不見容緣事左遷行人司司副旋擢鴻臚寺正卿仍奉命使浙雍正二年卒於官子二長濺舉賢良官太平令

次歛康熙丁酉舉人另有傳

蔡毓秀昌黎人初任浙江奉化令凡公務不以絲毫累民時檄奉民運糧至象山給兵毓秀以奉邑地瘠民貧詳請免之擢山西永甯州牧善政尤多毓秀性純孝父沒於軍以隨征不獲守艱痛哭累日母卒廬墓九載雍正元年祀鄉賢案舊志蔡士英傳云毓秀其猶子也以公廕任永甯知州茲云昌黎人亦未敘其承廕一節不知係後移居昌黎或昌黎更有一蔡毓秀也

張翰宸昌黎人以明經任翁源令多惠政擢長沙郡守潔已率屬政治廉明活無辜九人獄無冤滯致政歸捐貲訓課啟迪後進值歲歉煮粥賑貸待舉火者不

永平府志

卷五十八

仕蹟三

三

下千百家邑人感之請祀鄉賢

甯朝鼎字坦園永平人康熙三十九年由歲貢任山陰知縣敏幹有治劇才多所修葺凡衙署學宮及各祠廟無不整飭境內一新在任十一年去之日百姓立

碑頌德大同府志

張蔚字雲升昌黎人宏子康熙乙酉舉人居家孝友為諸生時即以成就後學為己任敦實行不務虛聲選授沂水令清介自持有以暮夜之金至者蔚惕然曰盍為此乎稍不自謹大節虧矣因力請告休乃改教諭授良鄉縣學崇本抑末堪為多士模楷兩載以病

卒於官

姚協于樂亭人熙長子康熙丙戌進士任會稽令勢豪
奸吏咸畏懷焉涖任四載修黌宮設義學飭城池築
石塘善政多可紀去官日士民詣憲請留公固辭得
免邑人慕之崇祀名宦

會稽孟鳳苞頌姚會稽政蹟詩云會稽山水天下奇
懷哉夏禹勤四肢秦設為郡漢因而隋唐之間邑始
釐官斯士者鏡種蠡循良惟在恤黔黎開元二李堅
塘陂會公決獄吏莫欺餅餌固卻重民脂天使不敢
干以私寬簡化民起瘡痍經術教人真良資張古雙
清秀兩歧仁能驅虎月方期禮士愛賢競謳思緩徵
停攝俾耘耔若諸善政公奚虧我公初不用意為公
家孤竹祖元之學有淵源鍾荀慈顯處觀日無纖疑
非若曠中將月窺下筆成章瀉玻璃尤邃於易鮮瑕
疵名重禮闈達丹墀帝簡賢能蒞南維雙鏡

永平府志

卷五十八

仕蹟三

三

方漲叢嗟咨入城僻壤多啼饑願望我公來何遲至
即設法免流離古屋三間漾綠漪庀材祗有俸可支
分勞監郡僉曰宜鄰封兩攝泯藩籬三秉玉衡乏珠
遺青青子衿溢芹池一人棘園作著龜紅杏林中占
高枝塵懷宮牆意益弭每與兩師相謀維殿宇崇隆
聳瓴瓶虹霓回帶於芬楣敬共豆籩及宗彝謹設鐘
鏞和埴篔明倫一堂留壇壝廿載以來壞自誰我公
早夜圖維持亟為經營慮後時幾何埴壝幾槍纍幾
何柱礎幾桷椽將勤垣墉塗墍茨落成不日獨肩仔
尚懷南汝陽從儀農桑學校次第施又憶新建羅澄
溪百廢俱舉先於斯緬自宋元及今茲修建一一載
穹碑我公具材蓄鑑基東南無奈殫疲羸我公仰天
矢肝脾吾徒安得不追隨矧公庭趨同臬比經明行
修畏人知鄉崇祖德祀賢祠高會奕世著芳規醞公
德政是吾師不使此堂留微訾播
揚仁風已四馳長言不足聊云詩

蕭山祝雲送姚會稽攝篆蕭山臨行詩云湘湖尊菜
鑑湖蓮兩地謳歌戴二天試問清江迎送處官船留
得幾文錢自註云蕭邑交界為清江漢劉太守投錢
處也此去無緣借寇公萬人遮道莫恩恩留鞭世

澤今猶昔不在湘東在浙東自註云蕭邑士民攀轅步送者萬餘人道路爲之阻塞篋有文章囊有絃半肩行李也蕭然固陵西望煙霞勝共祝沙隄到日邊自註云許詢築室於山蕭然自適故名蕭山西興舊名固陵今有望京門門外皆沙地士民皆建碑設祀以志弗諼兼申頌禱鉅業鴻文姓氏香肯堂累世在宮牆由來種德還酬德璧水春風萬里長自註云樂亭聖宮皆姚夫子祖父兩代建修均崇祀鄉賢祠今諸生具呈詳憲已請姚夫子入名宦祠

萬瑄昌黎人康熙乙丑進士初任山東鄒縣令時雨麥不收不待憲檄卽爲停征詳請賑濟文方申卽開倉借糴迨得請饑民已更生矣各憲嘉其能檄飭各州縣效之全活數萬人事無大小曲直立判雪孔生之奇冤至今其家尸祝焉歷任六月丁內艱服闋補河

永平府志

卷五十八

仕蹟三

三

南內鄉縣當闖賊殘破之後民多新附疆界不清訟獄繁興瑄爲之清釐且除陋規五十餘條後以年高致仕卒於家

高棠萼字仲篋號念庵昌黎人康熙乙丑進士授浙江景甯令景甯本山邑疊石爲田雨稍愆期卽苦旱萼爲興水利引泉灌溉行之數年水道修而民享其利先是邑有積逋累至數千萼寬其期推誠開示及秋稔爭輸過半力不能償者悉爲代償民困以甦歲歉必以

上聞請賑報可卽親身履勘散發不假胥吏手民皆實

受其惠捐修文廟悉出俸餘攝永嘉篆邑有宋文文山祠爲請置春秋祀萼性仁愛甘淡素一切皆自僱募不以累民其爲治也興利除害汲汲若不及涖景十年中間攝篆者凡數邑所至有聲中丞奇其才以堪勝海疆薦入

覲還浙冒暑得疾卒邑人感其德立祠崇祀有五榮堂時文彙傳於世

李本潔字澄庵廬龍人康熙癸巳舉人授粵東廣甯令邑有虎患多金募捕卒絕其害遇水旱極力拯救民賴以生捐修義學纂輯邑乘致仕後士民思之家居

永平府志

卷五十八

仕蹟三

三

閉戶每日猶必披閱小學曰吾輩學問只以內行爲基此處一缺根本虧矣生平言行不苟接物以誠有德於人未嘗矜伐年八十四卒著有甯陽政略公餘錄諸書

張元復字桃岩昌黎人康熙丁酉舉人少有志節初任玉田縣教諭秩滿陞大名府教授繼遷靖江縣知縣聽訟明允案無遺牘邑濱江蘆葦課田愚民貪目前利爭認爲己業其後水漲坍塌多有累及子孫者復力請撫軍奏請開除民困乃甦治靖五年潔已愛民勸農課士興大利除大奸不動聲色事無不濟致仕

歸焚香哭送者不下數千人家居九年舉鄉飲大賓
壽八十四無疾而逝

汪歛與恆子康熙丁酉舉人選授湖廣蘄水令甫蒞任
訪獲通盜之巨猾李自華張文耀二人置之法歲饑
不先申請輒開倉賑濟蘄民德之爲立生祠時麻城
秀士涂如松家素貧妻楊氏與族兄同範有私恆居
母家如松母病楊氏始歸如松謫之楊氏怒復走母
家與同範謀匿夾牆內而以毆妻致死控如松時如
松已論死顧以不得真尸案不得結總督邁柱檄歛
訊其事勘知係同範藏匿楊氏以謀陷如松亟詣總

督陳其事邁曰今之好官不過謂能翻案耳我試看
女歛趨出急搜同範家無所獲遂以草菅人命落職
改檄他令他令覘總督之護前非也遂鍛鍊成獄本
案件作某亦以勘驗不的死於杖無何同範妻產難
穩婆在其家楊氏聞呼號自夾牆內闖出事始露穩
婆急趨縣鳴鼓新令陳某搜獲楊氏於夾牆內窺始
雪歛得復職乾隆五年補甘肅安定令立自封投櫃
之法民皆便之調繁平涼安人無老幼泣送百里外
擢山東高唐貴州正安等知州乾隆五年卒於官其
在安定也有古墓十七冢爲水所齧發徒改瘞之得

嘉靖中銘其詞曰兆久淪析冥芒爲厲二百年中賢
令獲此邑人競傳誦焉子二長曾晟辛酉副車任河
南直隸陝州等別駕次曾頎歲進士

李蘭字汀倩號西園樂亭人拔長子蚤失怙恃奉繼母
以孝聞家貧率諸弟芸葳等力學不倦康熙丁酉由
廩生領順天鄉薦第一戊戌成進士選庶常授翰林
院檢討飲食服用如布衣時尋擢戶科給事中諫議
能持大體主眷特隆外補江西督糧副使遷湖南按
察使歷江西按察使布政使署巡撫又改安徽布政
使所至威望嚴重正己率屬吏無容奸民皆安枕年

永平府志

卷五十八

仕蹟三

三

四十五卒於官蘭學問淵邃崇尙雅正雍正甲辰科
典試江南閱癸卯甲辰兩次分校南宮所得士皆名
俊任江南時定議開江浦朱家山河吳人至今賴之

附詳請停清查什軍運漕議
爲欽奉

上諭事竊奉總漕部院牌准戶部咨開議覆總漕張等
會請清查什軍學習輓運漕艘換去雇募之頭舵水
手乃得畏法守分不致誤漕生事應令該督撫嚴行
清查什軍子弟有素能撐駕者將雇募水手內不守
分之入先行更換不能撐駕者使在船學習以八年
爲率盡行換去召募之人悉以正軍充當等因蒙行
到道遵經轉行各廳衛查覆前來該本道看得利不
什不變法害不什不變制古之人有言之矣利不什
者且勿變矧害什於利者乎如輓運漕糶天儲攸係
年來各幫頭舵水手每多不逞之徒致塵
宸衷今蒙題
允清查什軍子弟在船學習撐駕以八年爲率換去雇

募之舵水此誠良法美意苟能行之則在船者無非
 正丁親屬顧身家而守法紀成效可覩奈何勢有難
 遵害什於利欲稍試而不得所當憑陳請命者也江
 西一十四幫計船七百餘艘所需頭舵水手不下萬
 人今袁州吉安永新安福建昌廣信鉛山饒州九江
 前後贛州等十一幫正副二丁之外均無什軍可僉
 南昌前後二幫什軍僅有四名撫州幫之城丁亦無
 什軍屯丁雖有子弟率皆素業耕耘不諳運務若責
 應縣衛所必欲僉報勢將搜查句攝奸丁刁屯保無
 株累誣攀差蠹經胥免追呼騷擾竊恐僉得數名無
 終無補於百一而軍民兩受其累矣夫軍丁雖賤亦
 有室家本人領運赴北經年始歸其得殫心竭力無
 憂內顧者恃有子弟為之維持門戶耳脫盡驅其子
 弟於幫中則仰事俯育誰為任之徵租辦運誰為主
 之身可糜而心不可繫未必不為輓輸之害而什軍
 中強懦不一靈蠢不齊膂力方剛者任勞猶易若孱
 軀弱息秀雅溫文者甫歷風霜已先委頓涉波縱浪
 鮮不神驚片帆孤櫂尚必招舟子矧糧艘之攸關
 綦重江湖之來往阻修即終身歷練猝遇風波猶難
 措手豈嬌怯子弟所能操縱如法涉險如夷者乎前

者安福所劉黃丁陳周船覆溺本軍之姪丁天偶謝
 遲伍船覆溺本軍之弟遲起之二人者皆什軍也乃
 至船遭漂沒人作波臣幫丁僉謂不習水性之故什
 軍之有損無益此即前車之一鑒先民有言射御貫
 則能獲禽未嘗登車射御則敗績屢覆是懼何暇思
 獲庖丁解牛至於官止神行而後可以批大卻導大
 款若未嘗操刀而使割其傷實多理勢固然豈欺我
 哉况多一人即多一人之食用旗丁額定行糧原係
 計口授食若倍增學習之什軍行月不敷必耗正糧
 而人數加多運弁亦難約束八年之內恐事日滋耳
 夫凋疲之衛正軍單弱者例僉什軍頂補是什軍正
 宜培養以留充補之地驅為舵水正軍亦慮多缺所
 以左右圖維害什於利僉軍之舉似不獨江右之什
 軍鮮少者行之固難縱有什軍敷足之地亦當變通
 停止者也本道管見止宜嚴飭領運官弁責成正軍
 務擇守分良民為頭舵水手開姓名籍貫口口口口
 口行保甲前後十船互相稽查一船生事正丁治罪
 九船連坐押運官弁時刻稽查稍有舵水滋事立拘
 懲治仍同該地方官詳究徇隱參處則約束嚴而稽
 查密舵水自知顧忌官弁畏干吏議必不甘心底護

雇募之舵水毋煩更易什軍之句攝即可免行既得
上慰

宸衷下亦有裨漕運矣蠡測之
議是否有當惟部院鑒察焉

李歲字蕤千號心齋蘭弟雍正癸卯舉人任山西山陰
縣知縣地處邊僻文風素陋歲到官鄉社皆立學擇
端良者爲之師暇則自詣學宮講論經史娓娓不倦
三年民勃然興化時值歲旱乏食歲力請修築城垣
以工代賑乃親董役事散值均給不假吏役手且時
優犒資民不知災事詳大同府志

馬璐字玉軒昌黎人雍正丙午舉人授福建清流令歷
任五年案無停牘民不忍欺後調任邵武有董姓侵

永平府志

卷五十八

仕蹟三

三

佔學宮地業經百餘年矣璐爲清釐盡還學宮邑東
門外有激湍捐俸倡修萬安橋十七丈民不病涉上
官差役擾民者捕治不少貸署建甯府同知因病請
休年八十以壽終

閻允吉字卜子號留亭昌黎人盧龍籍雍正癸卯經魁
仕通州學正陞江南徐州蕭縣令山東兗州同知調
淮海屯田缺裁補四川成都府同知陞江西撫州府
知府卒於官崇祀名宦郡人設像立祠

陳石麟閻太守祠堂碑記云留翁閻太公祖之字吾
撫也來自乙亥之秋余時職銓曹居京都未能仰見
公之色笑郡之戚友來都者輒曰忠信之長慈惠之
師也予心喜之迄丙子夏中余奉命給假始得謁

永平府志

卷五十八

仕蹟

天

公於署公善氣迎人令人心醉退而察其為政綱舉
目張利興弊革其愛民也寬而有法其馭下也嚴而
有體其晉接於邦之紳士也恭讓而有禮樂易而可
親相引於道義之則而不瀆以私也守如是可不謂
賢乎竊計繼今以往大展經綸俾六邑之中漸仁摩
義淪肌浹髓以復於上治當無難也無何今夏五月
公以驟疾而遽仙遊嗟呼天何獨忍於此一郡之民
而奪我公之速耶四境之眾徯徯哀悼如失所天思
慕之情不能自已相與請諸上憲祀之名宦以永
俎豆之光又不能自已相與塑厥德範以想像其容儀
儼然觀公之如在復公捐田租百餘千以給歲時享
祀之用嗟呼凡若此者於公何補然沒世不忘之私
本於其中之至誠亦足見公好之在人而輿情之未
可強邀也余因之重有感矣天道福善之理德之厚
者其報必隆獨念公孝友性成學問淵邃以癸卯名
魁起家自秉鐸以至於作令繼而二守東兗屯田淮上
以補蜀之成都司馬廣宣文教育德興才綱積連以
甦民困發賑粟以救凶荒除奸宄以綏良善他而治
河得要漕艘安瀾興屯有方地利無曠救巴蜀之殘
黎出湯火而登衽席莫不法良意美過化存神予今

所歷之區食其德而蒙其休者在在有顯烈焉又况
蒞我瘠疆未及二載而懋績煌煌堪垂奕禩私擬
為三公之制霖雨蒼生被澤寰宇以古者出為郡守入
豈意其年甫六十遠棄我一郡之人而驟登仙駕也
天道其有知耶其無知耶然公之嗣君率具命世才
或出膺民社或看花上苑將大有表建以補公之所
未盡且芳蘭玉樹更繩未艾茁茁甫萌也天之報
施其在斯乎獨是我郡之人瞻望弗克祗深庚桑之
慕春雨秋露僅留一瓣香肅衣冠以拜於社也感慨
係之矣勒諸貞珉以誌不朽其又烏可已乎是為記
公諱允吉字卜子號留亭世隸北平昌黎人癸卯科
經魁娶齊氏生子四人長曰璞先卒次曰瑋國學生
曰瑄丙子科舉人曰珖幼業儒孫男二公鑑公銑俱
幼生於崇正戊寅年十一月初六日卒於今康熙丁
丑年五月二十六日自三十四年八月下車蒞郡以
二十六年十月初二日挽車下舟竟北去其來也何
暮興歌其去也哭聲震野悲夫祭田詳載崇祀鄉宦
錄

馬拱辰字廷樞昌黎人雍正己酉舉於鄉學問淵博事親以孝聞性寬厚廉謹有萬石風爲高陽教諭課士勤懇以立品爲先奉委賑濟務使人霑實惠每語人曰百姓嗷嗷甯過於厚毋失之刻一時士庶皆誦其德焉致仕家居以耕讀課子弟不與外事長男元浩次子元魁同登乾隆丁卯科武舉三男元愷乾隆乙酉選拔

石彬灤州人以貢生舉孝廉授清源令自太原縣之高家堡至牛家寨開永濟等渠共一十五道民享灌溉之利爲立石公渠碑記頌曰渠開東北膏澤霑足惠被無疆介我禾稷源遠流長仁者之福陞雲南羅平州牧卒於官

永平府志

卷五十八

仕蹟

三

何憲字北滄盧龍人邑庠生雍正七年正定司馬宋公以賢良方正保薦簡用知縣初任山東泗水再任武城清廉愛民裁權關冗稅革鹺務陋規陞任濱州知州剖雪疑獄判決如神致仕之日士民攀轅不絕如嬰兒之失慈父母建生祠以祀子之杞丁卯舉人孫焯勳焯相繼入泮

閻公銑字丹赤號惺甫昌黎人天性孝友博極羣書工詩文爲諸生卽名噪一時主北平書院樂育後進門

人擢巍科採芹藻者相踵雍正乙卯膺選拔遂舉於鄉丙辰成進士歷任浙江縉雲麗水嘉興平湖諸縣令陞貴州鎮甯威獨山等州牧所至稱神君馬精於吏治臨大事不眩其興利除弊一切善政難以枚舉而其最著者令嘉興時捕拐匪富大搜其舟得採生折割凶具骨殖藥物等類究其黨與富子文等數十人置之法士民稱快爲立見思碑其令平湖也訪陸清獻公之裔綿其奉祀倡修當湖書院用廣理學之傳其牧鎮甯也雪陷獄之沈冤其牧獨山也清積年之舊贖去之日士民泣送於道勒碑紀石設祠以祀

永平府志

卷五十八

仕蹟

三

錢陳羣閩大夫見思碑云昌黎閩君惺甫於乾隆八年以名進士宰浙之縉雲踰年大府以爲能調任嘉興十二年復調平湖以平湖濱海須賢也禾民無老少聞命皇皇如嬰兒之失慈母然無如何也計惟伐石紀恩以慰無窮之思於是眾紳耆先後寓札乞余文先是雲中鮑公宰嘉興及調海甯余曾應眾請爲文以記繼之者又得閩君何我邑之幸多賢宰也余與閩君忝一日之長立言尤不敢泛因檢眾所稱述者修廢舉墜慈惠明新誠難能也然有志者類能勉矧閩君爲聞道者遽以爲頌恐未足以表其異旣而閱張徵士庚文集有記閩君事一則喟然曰此真不愧史所稱循吏矣其詞曰浙江澤國易藏匪最慘毒者採生折割一流以走方醫爲名駕舟出沒術拐孩幼或斷手足或矐兩目爲殘廢叫化錢物得一二歲者生炙之爲藥名胎骨丸服之能受重刑可得厚直康熙閒桐鄉之濮院鎮居民見殘廢童子抱詢得實借至舟獲其凶眾憤卽毆斃焚其舟上官方罪民幸邑合力救得免安能究其黨與故蔓延至今乾隆十年五月嘉善捕役見廢足盲目幼女卜三盲童蔣二密察爲拐匪烏程富大殘害搜其舟得凶具骨殖藥

物報縣隨關查兩育父母識認與富大質訊不諱供
出黨與富子文等數十人而富大當審畢出即為民
眾憤怒毆死後閻公又於王店鎮得迷路廢童許永
年為富黨毛可奇拐害者先後通詳題達初委公
與石門倪案其事繼改委錢塘張與公終其獄當是
時各臺憲憤甚務盡根株公養卜三等於署醫治而
細鞠眾犯凡為首惡及為從加功者咸置之理為誣
陷者出之分析以上各臺憲初猶疑為失出密訪得
其真乃深嘉其明而公往來會城者一載餘心與力
竭矣夫採生折割之凶眾怒易盈治之未有不力公
獨於羣情洵洵中平心易氣以察置首從於法以保
孩赤生誣陷於獄以全善良可不謂仁義兼至乎庚
於丁卯春歸自蜀里人為庚誦公之賢如坐顧鳳林
之栽賊陶武臣之誣竊白董庵尼之陷姦葉發理之
飛賭事不勝數而於拐案尤嘖嘖不置口庚至武林
晤友人盡得其實蓋如此昔孫樵記何易于事史官
錄其文登易于於循吏傳而文苑不錄孫樵然則文
士記載不因其人之顯晦苟得其實史官亦取之也
庚文萬萬不及樵而記公之事亦冀後之修國史
者采之徵士余幼同學兄弟也其為人樂道人善然

永平府志

卷五十八

仕蹟

三

不肯溢一語茲記者余深信其質而可傳且此一事
尤足繫人之思因而節其文以應眾請至君之振興
學校遇諸生以禮誨童子則按期課文面為講論文
宗蒞試多見錄取蓋猶是為秀才時之授經課徒也
即此足見其初心不易故能臨大事而不眩也更足
以知其為政之必有終也君名公銑字丹赤惺甫其
號也雍正乙卯拔貢生即舉於鄉乾隆丙辰進士時
乾隆十有二年丁卯六月刑部左侍郎兼禮部左侍
郎錢陳
羣撰

李掖垣字司直號南浦樂亭人蘭次子二品廕生歷光

祿寺署正大理寺左寺丞以京察一等授湖南桂陽

直隸州知州陞廣西慶遠府知府與總督某不合被

劾歸越十年

高宗幸天津掖垣獻詩蒙

恩特授河南彰德府知府捐俸修大成殿魁星閣增書院膏火士民悅服嗣因母老告歸閉門色養暇以訓課子弟爲事又謂人之立身以小學爲本重刻小學集解一書子蔭滋邑庠生善滋舉人另有傳

汪誠若曾晟次子出嗣堂伯曾裕乾隆乙酉科拔貢副榜歷官浙江龍泉鎮海四川榮昌等縣知縣其在鎮海也匪徒把持漁鹽私利爭爲雄長招集至數百人誠若請於專閫伺其互鬪時突擊之擒首犯數人正法闔境肅然然決獄則多所平反嘗曰致人之死升己之官吾不爲也子鑑嘉慶辛酉進士孫于泗道光壬午進士曾孫桀道光丁酉拔貢甲辰舉人皆官知府

永平府志

卷五十八

仕蹟

三